

白石道人詩集歌曲

冊二

欽定四庫全書總目提要

白石道人歌曲四卷別集一卷

監察御史許寶善家藏本

宋姜夔撰夔有絳帖平已著錄此其樂府詞也夔詩格高秀爲楊萬里等所推詞亦精深華妙尤善自度新腔故音節文采並冠絕一時其詩所謂自製新詞韻最嬌小紅低唱我吹簫者風致尙可想見惟其集久無善本舊有毛晉汲古閣刊版僅二十四闋而題下小序往往不載原文康熙甲午陳撰刻其詩集以詞附後亦僅五十八闋且小序及題下自註多意爲刪竄又出毛本之下此本從宋槧翻刻最爲完善卷一宋饒歌十四首越九歌十首琴曲一首卷二詞三十三首總題曰令卷三詞二十首總題曰慢卷四詞十三首皆題曰自製曲別集詞十八首不復標列總名疑後人所掇拾也其九歌皆註律呂於字旁琴曲亦註指法於字旁皆尙可解惟自製曲一卷及二卷鬲溪梅令

杏花天影醉吟商小品玉梅令三卷之霓裳中序第一皆記拍  
於字旁宋代曲譜今不可見亦無人能歌莫辨其似波似磔宛  
轉欹斜如西域旁行字者節奏安在然歌詞之法僅僅留此一  
綫錄而存之安知無懸解之士能尋其分判者乎魯鼓辭鼓亡  
其音而留其譜亦此意也舊本卷首冠以詩說僅三頁有餘殆  
以不成卷帙附詞以行然夔自有白石道人詩集列於詞集殊  
爲不類今移附詩集之末此不復錄焉

宋白石老仙世所稱詞壇大宗也

奕樞

自總角時卽喜誦其小令既

讀竹垞朱氏詞綜及黑蜨齋詩餘序俱云白石詞凡五卷世已無傳  
傳者僅數十闕蓋竹垞亦未見全書矣壬子春客都門與周子畊餘  
過澹慮汪君邸舍見案頭有白石道人歌曲六卷別集一卷係陶南  
邨手鈔本而樓觀察敬思所珍藏者澹慮爲誦異書渾似借荊州之  
句意頗矜之因共襄錄副加校讎焉嗣是南北分馳居諸荏苒迨戊  
午秋而澹慮云亡畊餘以鈔本屬余顧自維雖好倚聲未諧音律質  
之黃宮允唐堂厲孝廉樊榭陸大令恬浦先後重加點勘而與姚徵  
士鱸香商定付諸梓噫以前輩之博雅蒐輯不遺餘力猶且殘闕爲  
恨余生也晚乃獲出而表章之俾數百年收藏墨寶一旦流傳藝苑  
其愉快當何如邪抑未審竹垞所云五卷與今本有異同否邪惜乎  
刻甫竣而畊餘又作道山遊末由起而欣賞之乾隆己巳中秋漁邨  
老斂張奕樞書於松桂讀書堂南唫舫

重刻白石道人歌曲序

白石道人洞儻音律大樂建議謁諸太常故其爲詞如野雲孤飛去  
留無迹不惟清虛且又騷雅昔哲所譽自稽極程宜乎五音平章百  
祀馨祝龍齷可辨雞林不欺仁和許邁孫先生雅遜好古專以遠聞  
擷詞苑之菁華浣聖湖之煙水國工吹笛尋孤山之往游青樓似花  
續西園之一醉新聲古泛宛約其情芳樹温央英山箭繳符采流映  
高吟清道所刻山中白雲詞源諸集皆造弄之祖構籛林之宗鄉  
香風不墮虞心大佳白石歌曲舊槩匙存依乎昔軌最爲衆美字旁  
記曲拍底量音分判不踰情文旣翕百年心事惟有玉闌之知十畝  
梅花不隔生香之路撫茲一卷契諸千秋鸞驚無聲綠沈永結琵琶  
誰撥紅萼何言此地宜有詞仙並世已無作者琴家三昧樂府一絃  
誰其知音君洵大雅光緒甲申二月會稽陶方琦

白石道人歌曲目錄

卷一

聖宋饒歌鼓吹曲十四首

上帝命

河之表

淮海濁

沅之上

皇威暢

蜀山邃

時雨霈

望鍾山

大哉仁

謳歌歸

伐功繼

帝臨墉

維四葉

炎精復

越九歌

帝舜

王禹

越王

越相

項王

濤之神

曹娥

龐將軍

旌忠

蔡孝子

琴曲一首

古怨

卷二

令

小重山令

江梅引

驀山溪

鶯聲繞紅樓

鬲溪梅令

阮郎歸二首

好事近



點絳脣二首

虞美人二首

憶王孫

少年遊

鷓鴣天七首

夜行船

杏花天影

醉吟商小品

玉梅令

踏莎行

訴衷情

浣溪紗六首

慢

霓裳中序第一

慶宮春

齊天樂

自  
滿江紅

春四  
一萼紅

念奴嬌二首

眉嫵

月下笛

清波引

法曲獻仙音

琵琶仙

玲瓏四犯

側犯

水龍吟

探春慢

八歸

解連環

喜遷鶯慢

摸魚兒

卷四

自製曲

揚州慢

長亭怨慢

澹黃柳

石湖仙

暗香

疏影

惜紅衣

角招

徵招

秋宵吟

淒涼犯

翠樓吟

湘月

別集

小重山令

念奴嬌

卜算子八首

洞仙歌

驀山溪

永遇樂

虞美人

永遇樂

水調歌頭

漢宮春二首

白石道人歌曲目錄

白石道人歌曲卷一

番陽姜夔堯章著

仁和許增邁孫校彙

歌曲

聖宋饒歌鼓吹曲十四首

慶元五年青龍在己亥

○按慶元五年太歲在己未

番陽民姜夔頓首

上尙書臣聞饒歌者漢樂也殿前謂之鼓吹軍中謂之騎吹其曲有朱鷺等二十二篇由漢逮隋承用不替雖名數不同而樂紀罔墜各以詠歌祖宗功業唐亡饒部有柳宗元作十二篇亦棄弗錄神宋受命帝續皇烈光耀震動而逸典未舉迺政和七年臣工以請上詔製用中更否擾聲文罔傳中興文儒荐有擬述不麗于樂厥誼不昭臣今製曲辭十四首昧死以獻臣若稽前代饒歌咸敘威武岷人之軍屠人之國以得土疆乃矜厥能惟我太祖太宗真仁

高宗或取或守罔匪仁術討者弗戮執者弗劉仁融義安  
曆數彌永故臣斯文特倡盛德其辭舒和與前作異臣又  
惟宋因唐度古曲墜逸鼓吹所錄惟存三篇譜文乖訛因  
事製辭曰導引曲十二時六州歌頭皆用羽調音節悲促  
而登封岱宗郊祀天地見廟耕藉帝后冊寶發引升祔五  
禮殊情樂不異曲義理未究乞詔有司取臣之詩協其清  
濁被之簫管俾聲暢辭達感藏人心永念宋德無有紀極  
海內稱幸臣夔頓首上尚書

上帝命太祖受命也五季亂極人心戴宋太祖無心而得天  
下也

上帝命惟皇俶作宋祚五王不綱陳橋之夕帝服自黃惟帝念民  
惟民念靖八紘一春不日予聖璇題玉除龍路孔蓋得之非心遜亦  
云易有第聖賢我祚萬年十世之後乃復其天

河之表破澤州也李筠不知天命自憑其勇不能降心以至  
於叛而死也

河之表曰上黨彼耽耽踞奧壤交韞百斤不如一仁撥汗千里莫能  
脫身帝整其旅疇曰汝武心飛太行膽落戰鼓

淮海濁定維揚也李重進自謂周大臣不屈於太祖作鐵券  
以安之猶據鎮叛

淮海濁老將戾帝心堯舜信在券外汝胡弗思與越豨輩皇威壓之  
燕壘自碎維宋佐命維周碩臣汝獨狐疑用殲厥身

沅之上取湖南也湖南有難乞援於我至則拒焉我師取之  
沅之上故王都今焉在空雲蕪勢危則噓勢謚則叛背予德心繫爾  
作難東屆巴邱西盡九疑蠻師委伏願還耕犂岌岌鎮山火德之紀  
真人方興百神仰止

皇威暢得荊州也我師救湖南道荊州高繼冲懼歸其土



皇威暢附庸讐渚宮三月春草發漢家旌旗繞城堞小臣不敢煩天威再拜敢以荊州歸帝得荊州不爲喜百萬愁鱗濯春水

蜀山邃取蜀也孟昶恃其國險且結河東以拒命兵加國除蜀山邃蜀主肆謂當萬年不亮天意帝曰全斌汝征自秦關門不守吏啼白雲帝曰光誼汝征自峽瞿唐反波助我肆伐蜀人號呼乞生于師蜀囚素衣天子憐之

時雨霈取廣南也劉鋹淫虐我師弔其民俘鋹以歸

時雨霈旱火絕聖人出虐政滅五嶺之君盲風怪雲毒蛇臻臻相其不仁南兵象陳自謂孔武有獻在廟僞臣僞主降者榮之叛者生之將不若是彼死爭之十僞之夷一用此道天祐烈祖仁以易暴

望鍾山下江南也李煜乍臣乍叛勢窮乃降而我師未嘗戮一人也

望鍾山睇揚子波湯湯雲靡靡主歌臣謠樂未已詔書屢噓不爲起